

SULINGITUK UKAUSILUKATTAUJUK



✘ SIKARELUKAK PIUSIGIJAUTUINNAGIJAUUVUK TAIMAIMMAT ULUGIANATTUKALUNGILAK ATUGIANGANUT

- Sikarelukak ánninattosonguvuk timinnut ammalu isumannut atunginnagunni ullu tamât upvalu ullu tamâkasâk, atunginnagunni sunatuinnanik pitaluviniKajunut taijamik tetrahydrocannabinol (THC) upvalu pigiasisimaguvit atugiamut sikarelukannik járittosimaguvit.
- Kanuk inuk annigusummangât atugiamut sikarelukannik attuigajammijuk Inosigijanginnilu. Ottotigillugu, sikareluakti sikaret pitaKasongujut taimâtsainak ánninattunik ilimanattunik sollu siKalitut sikarettauKattajunut amalu sujuisok puvannik, ommatik, ammalu aup sullunginnik.
- Suli ilinniavugut pitjutigillugit sikarelukannik ammalu ánninattosongujunut ammalu ikajotinnik ilinganiKajunut atuttauKattaninga.
- Ulugiananginniammat atugiamut sikarelukannik, pinianniKagajakKutit ikilliumittisigiamut ulugianattojunut ánninattunik annigusuguvit atugiamut.

✘ ÁNNIASIUNNIMUT SIKARELUAKTI KANUINGINITSAIT TAICKUNANGAT SIKARELUKATUINNAUJUNUT

- Tainna cannadidiol (CBD) sikarelukanni ilangani aittutausok ákKitigijjulluni attuiluni. Inuit Kaujisimavut ikajuKattajut ánniagekkutiulluni, migiatigik, KaujimangiKattajunut, ammalu nigiliaKittisiKattaluni.
- Ánniasietet angijutiKagajattut atugunnagiamut sikarelukannik ákKisautigijauulluni nalunaigutiuKattajunut upvalu Kanimmasiujunut ilangit ákKisautet ikajusimangipata.
- Sikarelukait atuttauKattangituk ákKisigiamut kânsamik, ilangani aittauKattajuk ikajugiamut sakKiKattajunut asigiallanut kânsait ejanut ammalu ákKisautigijauulluni sollu taijamik chemotherapy saunikut aungitigut kânsaKajunut.
- Ulugianattogajattut ejauluni sikarelukait suli taimâtsainak piKajut taikkunangat ejaulungitunut sikarelukannit. Taimâtsainak aittutaujunut ejanut upvalu piusituKannik ejatsagilugit tigujauKattagialet malittaugiaKajunut, ikKanattovuk innunut kamatsigiamut ammalu isumâlotiKallutik ikajotigijaugajakKotunut ammalu ulugianakkogajattunut ejanut sikarelukannit.

✘ PILUATLAGAJANGILATIT WEED-INIT

- Tamanna sulijuk tuKugunnalungilatit tigusigiamut sikarelukannik imminik, tâvatuak piluatlagajakKutit, upvalu “green out”.
- Tigusilluni sikarelukannik unuluatlatunik pitaKajunut THC tapvainakallak migiangutitsisok, migiatigik, tamânengitunik takugalalluni, pimmagittumik utakKingulluni, ammalu allât asiujilluni tamânelluasianimminik (Kangaulimmat uKâlautauKattajuk isummanut attuijuk iluani kangiani ejaligijiuKattajunut).
- Tamakkua attuijut akunenialungitut ammalu aullalutillu sutaijajut sitontet Kângisimalippata isumagillugu Kanuk sikarelukait tigujausimammangâmmilonet ammalu Kanuk nigijausimammangât.
- Tâna ulugianattuk piluatlasimannimut anginitsauvuk taikkunangat nigijauKattajunut sikarelukannik tamannauluattuk ajunnanginitsauKattamat kitigiamut tigujausimajumut ammalu attuininga upalungallunillu.
- Pigiasillutit mikijumik sikarelukammik ammalu utakkilutit ippinialiaKilisinnaguvit tigusigiallaKânnak.
- Atugiuguvit sikarelukannik upvalu asianik uttogiasuaguvit, inunnegallallutit uppigijannik piungitumik ippiliaKi.

There's More To This Than Cannabis

✘ SIKARELUKAIT PIUNITSAMIK AULATSIGAJAKKUTIT AULAUTIMMIK

- Sikarelukait attuiKattajuk takunnausigijannik, kamatsianigijannik, ammalu tapvainak pinianniKasongugiamut. Tamanna attuijuk aulatsisigiamut aulautimmiK.
- Aulatsiluni aulautimmi puttugiattisijuk pilukagiamut, pimmagittumik åneluni upvalu tuKunniluni.
- PikKujaugaluakKusi utakkigiamut sitamanik saksinillonet sitontinik aulatsiKågani sikaregesimalluni upvalu akuniunnisak nigisimangåguvit angajånattunik.
- Taimåtsainak talannatunut, siKumitsivutit maligatsamik aulatsiguvit angajållutit ammalu sakKititsigajattuk pimmagittumik maligatsanik pasijaugiamut sollu akilekkujaullutit upvalu pannanaitausimallutit.

✘ ANITSÅTAILIGIAMUT SIKARELUKAMMIK ISINGA MILUTSIVAVIT ANGAJÅTTISILUAKATTAJUK

- Tamannauluattuk THC tigujauKattamat timinnut ikittunik sekintinik milutsiKålluni, anitsitailigiamut sikareluKammik isinganik puvanni angajåttisigiallanialungituk. ImångåK, anitsitailigiamut sikareluKaup isinganik puttsivalliajuk ilimanattunik isinnejunut ammalu ånninattosongujuk puvannut.
- sikareKattaguvit upvalu isinganit sikareluKannit, piunitsauKattavuk anitsågiagamut tigumiangimagillugu puvanni.

✘ SIKARELUKAIT ASIANGUSIMALUNGITUK KÅNGIVALLIASIMANNINGANI

- SikareluKait sanginitsaulikKut ullumiulittuk sivunganinit.
- Imaillingaluasimajuk ununnigijangit THC panittut sikareluKait tamåneKattasimalaullutuk 4%-titut jåringinni 1990, tåvatuak ullumi THC ununnigijangit akunganelittuk 15-30% panittojunut sikareluKannik.
- Nutåt piuset pigiamut sikareluKannik, sollu isingitigut, siKullutautlutik upvalu petsivusimajutitigut pitaKasonguvut THC angitigijumik 80%-titut.
- Angillivallianinga THC pitangit sakKititsigajakKotuk puttuvalligajanninga naittumik-ammalu akuni attuiluni atulluni sikareluKannik.
- Kangaulippat, piunitsauvuk kamagiamut allatausimajunut sikareluKannut sivungagut atukkånagu Kaujigiamut Kanuk

sangitigimmangåt. Ikinnisak ullugianattutalet THC pitagijangit 15% upvalu mikinitsak.

✘ ATULLUNI SIKARELUKANNIK AMÅMATTISILLUNI KANUINGIMAGITTUK.

- THC piulijauKattavut utsuni, sollu anånaup immunga, tamånesonguvuk 30-inik ullunik, tukiKatluni tunijausongujuk nutagannut amåmattisiluguvit.
- THC napvåtausonguvuk anånni nutagani pisimajunut sikareluKannik-attutausimajunut amåmaup immunganit.
- Nutagait attutaujut THC-imut ukkujågisigajattut ammalu uKumaitsaluagajattuk amåmagasuagiamut amåmattisigusalimmat.
- Kaujisattaugiallagialet tukisinsitaugiamut naittumik ammalu akuni ulugianattoKattajunut sikareluKannik atuKattajunut amåmattisilippata.
- Kaujimajaulungimata ulugianattoningit, piunitsak piniannigijausok una ikilliumittisilluni, atungålluni CBD pitanginnik, upvalu sikareluKagunnailuni pitaKalluni ammalu amåmattisigiamut.



✘ WEED SAKKULUKATTAUGUNNALUNGITUK

- SikareluKak pitaKalungituk tajamik nicotine sollu sikaretuinnatit, tåvatuak Kagitait najuttiKasonguvuk Kanukkiak ippiniagamiamut upvalu aulatsiKattaninga unuluatlatumik atuttauKattaluni.
- SikareluKait sakkulukattaugunnalungituk, tåvatuak ilonnait atuKattajut najuttiKaliasonguvut.
- Kanitangani 1 iluani 10 inunnik atuKattajunut sikareluKannik pivalliatitsiKattavut sikareluKannik piusilukannik.
- Tånna ulugianattuk najuttiKagiamut puttunitsauvuk atugiasiguvit sikareluKannik inosuttoluni upvalu atunginnaKattaguni ullu tamåt upvalu ullu tamåkasåK.
- Kinakkutuinnait atuKattajut sikareluKannik ammalu nukkeinajunut tamångatuinnak atuliaKigajattut nukkeinasiimmaniminik malunnaigutiKalluni sollu papviluni, sinigunnangiumak, nigitsiagumalugani, pigumalliluni, ammalu nukkangagunnangiumalluni.
- Kinakkutuinnait piusiKaKattajunut isumakkut KanimmasiKalluni, utakkingunimmik upvalu katangannimik ulugianaluamegajattut

pivalliatitsigiamut sikareluKannik najuttiKanginnagiamut.



✘ UTSULIUTTAUSIMAJUT SIKARELUKAIT KANUINGITUT

- Utsuliuttausimajut sikareluKait, ilangani tajiauKattajut K2 upvalu Spice, pigutsianguvut supottausimajunut maligatsaKangitunut ilimanattunik.
- Tamakkuva pitaKalungituk sikareluKatsianik upvalu THC, tåvatuak pinianniKasok taimåtsainik iluani Kagitammi atjigigasujanginnik attuigasualuni.
- Tamakkuva Kaujimajaungituk sakKititsigiamut ulugianattumik attuiningit ilautitsijumik utakkingunimmik, takulukatitsiKattajuk, Kaujimangiumannik.
- Tainna attuininga sanginitsait, nigunangituk, ammalu tuKunnatosot.
- Kamatsialutit, ammalu atuttailullutit ilimanattulinnik sikareluKannik pigunnaguvit.



✘ ATJIGENGITONGITUT AKUNGANI LAISANSIKANGITUNUT AMMALU LAISANSILINNUK SIKARELUKANNIK NAKIT PIKATTAMANGÅMMIK

- Ajunnanginitsaulittuk pitågiangit laisansiKangitunut sikareluKannut, maligatsaKangilak upvalu piutigijangit malittaugiaKajunut, taimaimmat KaujimanginnaKattangilatit sunanik pisimangåppit upvalu sujausimammangåmmik.
- Asiagut, sikareluKait pisimajunut laisansiKajunut aullaiviet angittausimavut taikkunangat Inositsiagittotitsigasuannimut Canadami. Tamanna tukiKavuk pisijait maligatsalet ammalu ottugattausimatlutit Kaujisapvini kamatsiasonguniammata ammalu malittigetisiatlutik sangijonninginnik ammalu ununnigijangit.
- PiKalluni laisansilimmit sikareluKannik, Kaujimatsiavutit sunatåmmangåppit ammalu sakkaKalugani, ilimanattutagalanniluni.
- PisigasuaKattalutit sikareluKannik laisansiKajumit aullaivimmit Kangatuinnak pigunnaguvit tamanna piunitsaumak kamagijautsianimmut.

